

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Quæst. 183. Quale debeat esse adulterum, ut ex eo nascatur dictum  
impedimentum.

---

[urn:nbn:de:hbz:466:1-73973](#)

ita ut sensus sit; tunc tantum invalidum est prohibitum matrimonium inter adulterum & adulteram, quando una cum adulterio intervenit fides data de matrimonio, vel machinatio mortis; vel etiam, ut exponunt Castrop. d. 4. p. 12. n. 2. Gutt. c. 105. n. 2. Cönicke. & alii, intelligendum est demonstrativè & determinativè prius doctorum, ita ut sensus sit: *illam inquam prius pollutam, cui fidem dederat &c.* Patet tertio, è contra neque sufficere solum contractum, vel promissum matrimonium sine adulterio, quò minus quis post mortem uxoris sua legitimam cum ea, cui fidem dedit matrimonii de præsente vel futuro contrahere possit matrimonium. c. si quis fin. b. t. Host. ibid. col. 2. v. ceterum. Gl. ibid. v. cognovit eandem. Pirk. b. t. n. 13. De cetero perinde est sive adulterium præcedat sive subsequatur promissionem de contrahendo matrimonio, vel etiam illud attentativè seu de facto contractum; in utroque enim casu reperitur ansa capitandæ mortis conjugis, cuius evitatio est ratio movens Ecclesiam ad hoc impedimentum statuendum. Sanch. l. 7. d. 79. n. 3. Castrop. l. c. Pirk. b. t. n. 1. Alex. ad c. fin. b. t. n. 4. cum communi.

Alterum crimen est occisio seu machinatio mortis proprii vel alterius conjugis cum proposito contrahendi postmodum matrimonii, cum altero conjugi superstite; Pirk. n. 16. vel ut Laym. l. 5. tr. 10. p. 4. c. 10. n. 1. cum proposito alterius determinati matrimonii contrahendi; vel etiam ut Castrop. n. 2. est adulterium una cum occisione proprii vel alieni conjugis; pro ut diversa sunt sententia circa plura requita ad hoc, ut hoc impedimentum ex conjagidio incurritur; de quibus in sequent. q. q. habetur autem illud in c. significavit. c. significasti. c. super es. b. t. c. si quis vivente. 31. q. 1.

*Quæst. 183. Quale debeat esse adulterium, ut ex eo nascatur dictum impedimentum.*

1. R<sup>E</sup>p. primò: In utroque casu, sive dum con jungitur cum machinatione mortis, sive tantum cum promissione matrimonii, debet imprimis esse verum adulterium; adeoque requiritur primo, ut sit perfectum seu consummatum per copulam, quā alijs consummatur matrimonium, nimurum habitam intra vas fæmineum cum seminatione, Gl. Abb. Card. in c. fin. b. t. Sanch. l. 7. d. 79. à princ. Gutt. c. 105. n. 28. Castrop. l. c. n. 8. Pirk. b. t. n. 15. Laym. l. c. n. 4. Secundo, ut matrimonium habentum inter se copulam sit validum; si enim revera tale non est, eti si putetur tale, promissio matrimonii facta complici, non dirimat matrimonium subsequens cum eo. Sanch. n. 30. Gutt. n. 24. Pirk. n. 6. & 10. Castrop. l. c. juxta c. 2. b. t. ubi, quòd matrimonium ex gravi metu initum, adeoque ipso jure irritum, nisi postmodum redditum validum per ratificationem expressam vel tacitam, nimurum per copulam spontaneam & affectu conjugali habitam, non dirimat matrimonium subsequens cum complice delicti; item juxta c. veniens. b. t. ubi quòd, licet vir jam habens uxorem mala fide contraxit & consummavit matrimonium, cum alia ignorante hunc virum esse conjugatum, possit post mortem prima uxoris cum hac secunda de novo contrahere matrimonium. Sufficit autem, quòd matrimonium illud prius fuerit ratum tantum, ut quoque dicitur cit. c. 2. aut etiam dissolutum quòd ad thorum per divortium. Sanch. n. 44. Pirk. n. 15. in fine. Unde jam

2. Resp. secundò: Non sufficit committi adulterium materiale, sed in utroque casu requiritur formale, nimurum, ut uterque adulterans sciat suum complicem esse conjugatum; alijs enim non erit adulterium formaliter commissum ex parte utriusque, quod requiritur hinc fæmina etiam conjugata, si copuletur viro, quem nescit esse conjugatum, animo & promissione cum eo in eundi matrimonium, non impeditur mortuo suo illiusque conjugi cum eo contrahere matrimonium; & ratio est; quia in eo casu ignorati conjugii non potest esse machinatio mortis, salem ex parte utriusque. Ita Sanch. d. 79. n. 31. Gutt. l. c. n. 15. & 14. Castrop. Laym. l. cit. Pirk. n. 14. juxta c. 1. & penult. b. t. Porro ab hoc impedimentum incurriendo excusat quilibet conjugii ignorantiam, & jam crastam & supinam, tenet Sanch. n. 28. Rebell. l. 3. q. 8. Pirk. n. 3. eo quòd sit ignorantia, non juris, sed facti; in facto autem excusat quilibet ignorantia; c. ignorantia. de reg. iur. in 6. quin & ad adulterium requirit dolus, juxta l. penult. ff. in leg. Jul. de adult. dolus autem consistere nequeat, cum ignorantia. Verum tamen contrarium, nempe solam ignorantiam probabilem, quippe quæ sola excusat à culpa adulterii, excusare ab hoc impedimento, tenet Castrop. cit. n. 8. citatis Nav. c. 22. n. 46. Valent. Tom. 4. d. 10. q. 5. p. 3. Cönicke. d. 31. du. 5. n. 61. Gaf. Hurt. d. 23. diff. 2. n. 7. ad cit. L. penult. dicunt, adulterium non reputari stante ignorantia quacunque ad incurendas poenas in ea lege statutas, quæ utpote gravissima merito exigant adulterium doloso commissum; dictum vero impedimentum non tam statutum in poenam adulterii, quam pro removenda occasione insidiandi vita conjugis.

*Quæst. 184. An & qualiter adulterium & data fides adulteræ de matrimonio debeat concurrere durante eodem legitimo matrimonio.*

R<sup>E</sup>p. Requiritur ad hoc impedimentum incurendum, ut adulterium committatur, & vel matrimonium de præsente attentetur, vel promittatur, durante eodem legitimo matrimonio; ita fides data matrimonii de præsente vel futuro tempore prioris conjugii legitimi Titii cum Caja, adulterium verò commissum tempore alterius legitimi matrimonii posterioris ejusdem Titii cum Bertha, possit adhuc adulter mortua hac secunda uxore, ducere adulteram; eo quòd per secundum illud matrimonium legitimum adulter recellerit à fide data adulteria, spesque ineundi matrimonium cum adultero extincta sit per secundum illud matrimonium; adeoque etiam sublata occasio machinationis mortis uxoris legitimæ, Ita Laym. l. c. num. 4. Sanch. cit. d. 79. num. 5. Pirk. num. 14. Sylv. v. matrimon. 8. q. 9. dicto 5. Sotus in 4. d. 37. q. unic. a. 4. Pari modo, si è converso adulterium commissum sub priori matrimonio, & fides data sub secundo, non incurritur dictum impedimentum contrahendi cum adultera. Sanch. num. 6. Laym. Pirk. l. cit. Cönicke. cit. du. 5. num. 6. cum iura ideo videantur requiri simulatem adulteris cum data illa fide sub eodem matrimonio, seu vivente eodem conjugi, ut eidem matrimonio irrogetur injuria præbita occasione occidendi eundem conjugem. De cetero notat Kriper. de matrim. n. 1007. quòd si eodem matrimonio stante facta promissio matrimonii, & simul commissum adulterium,